


桂杏  
熊芳譜  
利



風陵文庫  
文庫19  
F 134  
3





桂杏聯芳譜第三卷

廣豐徐 謙白舫輯案 從弟 履砥衢校

文昌帝君惜字真詮十二則上  
下筆有關人性命者此字當惜

案十則

推官留心文書必將有後之報

歐陽文忠公之父嘗為泗綿州推官留心讞獄嘗  
夜治文書屢廢而歎夫人鄭氏問之曰此死獄也我  
求其生不得耳夫人曰生可求乎曰求其生而不得

F0134-(3)



則死者與我皆無恨也。求而有得，則知不求而死者有恨也。夫常求其生，猶失之死，而况求其死也。文忠既成立，夫人常以此語告之。曰：吾以此知汝父之必將有後也。後文忠參知政事，父封崇國公。陰騭文勸戒編

附錄

朱文正公曰：珪自庚辰授閩糧道，中間攝首郡一年，再任臬司，前後六年，鞫大小難易獄，不啻千計，而未敢輕杖一人。至於三木，更可知矣。每遇疑獄

黠囚，經年不結者，問至夜分，往往叩首輸情，晝招之後，誓不翻供。竊見庶獄之翻易者，必係刑求，嘗戒有司曰：夾棍者，藥中之生軍也。雖遇疫症，必病在下焦，始可用之。然用亦大傷元氣，若早投之，則死矣。諸君遇命盜重案，萬勿輕用夾棍，乃聞州縣雖戶婚田地細事，動則刑訊，此之謂能吏乎。夫以情求情，何情不得。操守清，身理明，辦事勤，何人不畏服，而必作威乎。試於輕紗暖帳中，五夜捫心，此時獄中薰蒸凍餒，苦楚呼號之狀，果皆情當其罪。



者乎。又聞州縣班房管押酷逾地獄。死者纍纍。誰之罪也。至於刀筆深文。草菅人命。何其忍且敢歟。偶讀袁了凡先生慎刑之說。欵欵如先得我心。附識之以告治獄者。文帝書鈔

鄱陽令葉鎮曰。民情好訟。每牽累無辜。往往一人經案。舉家失業。在理時。除要犯證外。一槩刪免。則一動筆而全人身家者。不小。作吏要言

賈青南曰。為政者。事權在手。筆尖所至。死生惟我。上當畏天地鬼神。朝廷國法。下當念小民愚昧無

知。入井後世之長吏。有不盡然者。如上官衙門。不喜親審。止據下吏招詳。批定罪名。或題或決。一成難改。後雖悔之。死者不可復生。斷者不可復續矣。又如上官不能耐煩。一應解審。罪犯非不躬親問理。止云獄重初情。威嚴之下。犯人悉照原供。葫蘆結案。殊不知屬員問斷。有性情執拗者。有立意深文者。有誤聽左右者。有期限迫促。逼打成招者。有情面囑託。故入人罪者。有私怨小隙。乘機下石者。有不能聽訟。潦草塞責者。一時勒取口供。便欲據



為鐵案每解審上官之時不許犯人改口刑具在前虎牙在側惟將原問口供背誦如流以求稍緩須臾而已犯人如此上官不疑止須數行看語絞斬凌遲只在一筆間古人有言刑官無後蓋問刑之失有智力之所及而明知故違者有智力之所不及而草率結案者自古冤報莫速於此為官者不可不三思也總之當權之人有所平反有所昭雪只在念頭動舌頭動筆頭動一霎時耳而皇天后土實監臨之矣文昌入門法節錄

府吏曲救全活子中三元之報

明商霖為嚴州府吏平日周急濟危在吏舍常勸羣吏奉公守法不可舞文害人吏皆聽命諸縣囚解府有冤枉者筆底委曲由救多所全活一夕太守見吏舍有光如火次日問羣吏家何事對曰商霖生一子守異之曰此子必貴彌月抱看守驚愕命張黃蓋送之長中三元拜相即素菴先生輅也勸誠類鈔

唐澤元曰自己為善有限勸人為善無窮所以受報亦無窮同上



柴太守不肯誣列罪狀保身昌後之報

國初柴雲巖諱望正直不阿任池州太守時有同年  
巡按某欲以私怨叅石埭令囑柴誣列罪狀柴不應  
巡按怒曰如此則以狗庇借重矣柴曰守令賢否公  
論難逃我不能以人之身家性命逢迎上臺也巡按  
果以狗庇附叅去官日紳士軍民遮道揮涕此順治  
十四年事明年海賊搶郡城後官以失守處分柴脫  
然事外歷官廣東藩司長子謙官御史迄今子姓科  
名甚盛

宋牧仲文集

屠主事密疏無辜三子衣紫之報

嘉興屠康僖公初爲刑部主事宿獄中細詢諸囚情  
狀得無辜若干人公不自以爲功密疏其事以白堂  
官後朝審堂官摘其語以訊諸囚無不服者釋冤抑  
十餘人一時咸頌尚書之明公復稟曰輦轂之下尚  
多冤民四海之廣兆民之衆豈無枉者宜五年差一  
減刑官覈實而平反之尚書爲奏允其議時公亦與  
差減刑之列夢神告曰汝命無子今減刑之議深合  
天心賜汝三子皆衣紫腰金後生應墳應坤應垓皆



顯官。似續集驗

附錄

陳智錫曰。獄乃生人至慘之地也。試想食祿之人。冬則舉杯向火。尚畏寒冷。夏則散髮涼亭。猶嫌暑熱。獨不念囹圄中人。寒威削骨。炎氣蒸心。累累以斃。獄報乎。眉公言。熱審寒審。在當事者一動念。一動口。一動筆。間便造無量大福。同上

刑幕焚香作帖。其子免溺之報

常州許侍御青嶼之子。為湖廣鍾祥令。民有強奸其

媳者。媳愧恨。父來哭訴之。父忿怒。遂殺其翁。父女俱問重辟。值夏包子之亂。囚俱出獄。逃迨事平。令出示招衆囚投監。且引某年之例。准其減等免死。囚多有還獄者。前案父女亦俱至。令列案詳臬司。求循舊例。免父女死。臬司不允。令恐欺囚。心甚惶惑。其刑幕江姓者。力勸許請之。撫軍許慮觸臬司怒。因循未果。而囚將即日解省過堂矣。江乃焚香祝天。為許作一稟帖。委曲懇撫。軍諭臬司寬之。強許用印。自出千錢付捷足。投撫轅。撫臺閱稟。惻然。即語臬司釋之。未幾江



借字真詮

返南京鄉試止一子七歲併妾向俱在鍾祥署茲攜眷回籍舟下長江其子偶在船頭被簷纜打落江中父號救而江水迅駛轉盼茫茫方號咷間而前舟見一童浮江急撈上船江急往視之則其子也詢云下水時仰臥波上平於衽席毫無驚恐上船衣亦不濕衆詫其神異江述前事知為活囚之報云徐慶信徵錄

附錄須澄本幕窗悔過記

明隆萬間雲南鶴慶府有須生者名澄本幼聰穎弱冠遊庠長襲父業作幕橐有餘貲暇溫書史自

負筆妙取青紫如拾芥後屢黜棘闈五旬時猶依依鬻舍家變迭興貲財耗散置三妾而生子皆不育殆無時不作搔首問天想也聞鶴慶山有覺夢道人善請呂祖仙乩齋沐往叩須與祖師降壇示曰須子欲問休咎乎爾自謂多才豈知多才多誤途愈迷津愈遠矣澄本驚愕跪泣訴曰弟子半生夔夢今欲脫迷津不知何道而可壇又示云天覆地載古往今來道有萬端總歸一善故天地以好生為德天地之善也聖賢體天地好生之心以為



借字真詮  
心○聖○賢○之○善○也○走○向○善○去○便○是○生○路○而○千○萬○吉○祥○  
集○之○矣○走○向○不○善○去○便○是○死○路○而○千○萬○凶○災○集○之○  
矣○人○負○慧○性○奇○才○是○極○幸○事○又○是○極○不○幸○事○何○謂○  
極○幸○如○聖○賢○稟○天○縱○之○資○而○聰○明○才○力○均○用○在○積○  
功○累○仁○中○所○以○大○而○爲○王○侯○相○小○而○享○天○福○延○  
綿○德○如○何○大○福○亦○如○何○大○豈○非○極○幸○事○乎○何○謂○極○  
不○幸○如○奸○宄○以○不○凡○之○質○而○聰○明○才○力○均○用○在○機○  
械○利○慾○中○所○以○輕○則○受○終○身○落○魄○之○報○重○則○受○子○  
孫○斬○絕○之○報○惡○如○何○深○禍○亦○如○何○深○豈○非○極○不○幸○

事○乎○今○須○子○有○超○羣○絕○類○之○才○吾○爲○爾○喜○吾○爲○爾○  
悲○爾○知○之○乎○澄○本○復○跪○求○示○又○批○云○爾○年○已○半○百○  
終○日○詡○詡○自○得○馳○騁○其○才○皆○悞○用○之○才○適○足○以○上○  
戕○宗○祖○下○賊○兒○孫○者○也○吾○是○以○悲○之○也○爾○自○今○以○  
後○果○能○轉○舟○之○帆○返○馬○之○轡○改○塗○易○轍○以○從○前○之○  
快○吾○筆○意○盡○化○爲○今○日○之○發○吾○熱○腸○則○所○用○之○才○  
皆○恰○當○之○才○適○所○以○報○答○宗○祖○培○植○兒○孫○者○也○吾○  
是○以○喜○之○也○澄○本○復○禱○云○弟○子○深○悟○前○非○痛○加○洗○  
滌○自○今○束○筆○家○居○不○復○爲○幕○將○家○中○所○積○廣○行○善○



事以期晚蓋未識可稍道否祖師又示曰種種善  
事誠貴力行然爾之行善何必費家財何必不作  
幕何必束此筆也惟正當作幕正當執筆而行善  
愈易行善愈大何也天下之最便於行善者莫如  
爲官爲吏生殺惟我威福惟我利害惟我倘存心  
行善則積德累功易如反掌亦且功德之大倍勝  
他途也然爲官爲吏無論才短才長勢必資幕賓  
以運籌而決斷故官吏無權而幕賓最有權幕賓  
有權而凡官吏生殺威福利害之權無非幕賓掌

握之權干詞萬狀積於幕案爲幕賓者一一得剖  
其曲直司其子奪區其禍福定其死生吾見值年  
值月值日值時四位功曹暨空中來往鑒察神祇  
每於帷幕之前後左右環視如電見一判詞而恰  
當則笑顏點首以錄功見一判詞而背謬則怒目  
切齒以記罪甚有自恃無私好執偏見又或徇情  
貪利舞弊作奸種種顛倒以抑沉寃於莫雪者鬼  
神且不暇登簿而急奏天曹彰報尤速得禍尤烈  
故作幕一途最易損陰德亦最便於積陰德下愚



之流。認此爲罟利肥家之藪。則日持快心之筆。不啻日持殺人之刀。而祖宗之枯骨難留。子孫之命脈已斬。蓋惘然弗顧矣。上智之士。假此爲濟人利物之途。則將以寸管之仁舉。而輔茲三尺之法。而陰德之積於冥冥者。無窮餘慶之錫於蒼蒼者。未艾。蓋隱然有在矣。今須子不必費所積以行區區善事也。卽從作幕執筆一途求之。毋泥成法。毋設成心。惟惻然肫然體天地好生之心。以爲心念。此訟獄之紛至。其出於狡猾虛飾者。固亦有之。而迨

於懦受強凌。愚被污陷。覆盆莫解者。十居其九。是全賴閱詞者。虛心以探其隱微。平心以論其曲直。設身處地以詳其疾苦。痛癢關切以救其顛連。理固是矣。而民境有順逆緩急之不同。尤當圓通以曲赴乎理。律宜遵矣。而人事有安危常變之當察。尤必參伍以善用其律。總之勿泥律中之義。常施法外之仁。以仁行法。故子羔雖別人之足。而別者忘怨。抑且報其恩。以法滅仁。故商君欲脫已於危。而苛法斃人。適自受其斃。須子惟牢記吾言。卽以



萬萬千之善盡寄於濡毫構語之中則福基大  
啟蕃祉頻膺不可勝計矣判畢澄本望空叩謝即  
日洗心滌慮痛改前非雖在幕中常若帝天之鑒  
凡判一詞務以鋤強扶弱尤兢兢加意于鰥寡無  
告窮民行之三年鄉會聯登妻有一子而三妾俱  
育共有五子自知挽回之機荷蒙天佑不願仕進  
仍就幕賓益綿栽培之德因作幕窗要覽數篇勸  
世及五子成立長則登第次入詞林餘皆以名宿  
顯孫枝林立皆嗣書香壽至九十八歲無疾而終

此非善可回天善無不報之驗歟 勉善錄

李六忍曰習幕學者雖為館穀亦念子孫簿書倥  
惚當想為得主人一分自己子孫便受用一分負  
心不謹必與主人同敗甚有斃獄中死非命者成  
案不勝數也卽有操守廉潔或好為深刻故作威  
福者如寧波鄔某豫督田文鏡重之一餐數金歿  
時無子貧無以殮紹興徐某在東昌幕誤決一獄  
合眼便見一女子不久而歿子亦流落異所總之  
士人入幕一做刑名便置子孫於刀鋒箭鏃萬無



能○久○之○理○不○得○已○為○之○必○須○以○夜○繼○日○不○惜○辛○苦○  
心○頭○筆○頭○力○行○開○豁○起○死○回○生○或○自○務○明○察○有○意○  
苛○求○或○見○事○模○糊○草○率○完○結○甚○至○博○奕○飲○酒○閒○談○  
嘲○謔○人○命○關○天○視○同○兒○戲○其○人○必○至○不○祀○可○不○慎○  
哉○勸○誠○類○鈔○

餘杭吏下筆曲全身壽子賢之報

餘杭蔣嘉家貧棄儒為吏以養親事祖母繼母至孝  
人有以冤苦投無不救解一夕暴卒見廣廷中有主  
者呼曰汝壽當終念汝至性過人况於公門多行方

便○吾○今○賜○汝○回○陽○諦○聽○吾○言○夫○公○門○案○牘○種○種○俱○為○  
生○民○身○命○所○關○勿○俟○賄○賂○置○而○不○行○勿○因○夙○怨○因○而○  
敗○壞○勿○以○公○門○藉○勢○嚇○詐○勿○以○同○事○矛○盾○遷○怒○若○能○  
下○筆○恒○施○慈○念○曲○為○周○全○彼○雖○不○知○而○冥○冥○之○中○自○  
有○照○察○當○不○論○事○之○巨○細○身○之○忙○閒○人○之○知○不○知○事○  
之○濟○不○濟○皆○盡○我○之○心○圖○之○勿○責○報○勿○沽○名○勿○辭○難○  
勿○始○勤○終○怠○實○實○落○落○耐○心○委○曲○成○就○而○後○止○若○力○  
量○不○能○行○亦○要○懇○懇○勤○勤○使○此○寸○心○無○愧○而○後○已○蓋○  
保○全○一○人○所○關○不○止○一○人○也○明○况○鍾○九○載○黃○堂○政○治○



不顯徐晞財色不苟濟困扶危歷官二品楊旬減囚積德子奪大魁皆案牘中修為得此榮顯汝其念之嘉回陽以所聞敬錄於聽事堂且告親友之在公門者其後濟人益力由吏曹辦事得陶文襄之舉歷官憲副子儼登第儔鄉舉僖名儒嘉壽躋期頤焉勸誠

類鈔

徐記室疏請全活饑民一門三鼎甲之報

徐太史立齋五世祖某為嚴文靖公記室時三吳大水公具疏草請賑飢文靖欲筮之公屬卜者筮曰吉

乃請於朝全活數百萬人後立齋己亥狀元健菴庚戌榜眼彦和癸丑探花同胞三及第古未有也祥雲集

新淦縣令一揭一束冥府存案之報

天台王璧如大師原名立轂素持齋戒領萬歷丙午鄉薦授新淦令因居官破戒戊午入覲舟次蕪湖夜二鼓忽有二青衣持符攝至殿庭見王者冕旒正坐左右二宰官側坐正坐者叱曰汝陽算已盡丙辰八月所以延至今者齋戒力也若奈何棄之命取簿以



示見名下年月皆有註。至丙辰八月輒空之。轂叩首謝曰。居官勢不得不爾。主者曰。奈陽算盡何。命驅入獄。左坐者起立請曰。試取破戒後事稽之。主者遣使肩兩巨籠。至皆令淦卷宗也。凡一揭一束。及平日戲書方寸之紙。俱在。皆有氣騰。上有黑色者。有青色者。有赤色。白色者。命各檢一處。先檢黑與青成聚。次檢白聚。次檢赤聚。聚成青者。隱黑者。縮小如箸。而赤聚赫然獨盛。轂傍睨聚中。見所刻金剛經好生編社倉卷。俱在聚畢。主者聲少和。顧左官曰。是知植德尚有

生理。損其五官。全其軀命。可乎。命獄卒挾去其目。置殿柱上。遂一跌而寤。次日雙目遂瞽。乃棄家修道。後以禪悟。兩目復明。歷遊雲棲博山之門。真參實証。兼行大悲懺法。再生者又十二年。仁化編

縣幕從寬結案獨子暴卒之報

錢某在江南某縣幕。夜夢泣訴者曰。吾某人也。實爲某毆而死。君臆爲誤傷。而欲寬之。非也。須速改正。次早白主人。則案已上詳。私念府司必行駁。爲改正未晚也。不意上官竟如所擬。從寬結案。令以案由己定。



惜字真詮

不便詳文申辨。遂置不論。未幾家書至。錢只一子。竟暴卒。觀此。乃知命案所關。不獨失人。不可即失。出亦不可當。此任者須細心推敲。不得自倚意見。妄生疑實。以致誤斷。萬一有誤。急須申理。改正。勿視讞獄為等閒也。蓮池紀聞

幕友利囚速死至老潦倒之報

柘城史令延一幕友。每問獄有未定讞而死者。輒撫掌稱快。常云。一死罪定案。自邑而府而司而院。以訖達部。詳駁題奏。卷牘累笥。不知費幾許筆舌。殊為

紛糾。不如一死。便可早結也。此全不曉朝廷明慎。詳刑之義。務期情實罪允。方正典刑。苟有矜疑。猶予緩決。以延旦夕之命。夫蟲蟻尚知貪生。矧為小民性命。乃利其速死。以圖省筆舌乎。此君老而潦倒。宜夫。蓮池紀聞

附錄

嚴印持惡鼠。嚙物。聞笥中響。即命僕塞穴。守衛俱遍。開笥。鼠無所逃。羅得之。即梟首。戲作文。示羣鼠。以為雄快。一日。逐鼠甚急。鼠忽躍起。嚙中指不放。



急灑脫皮已穿矣。大發寒熱。指節腫漲。爛見筋骨。

乃大悔。病百餘日始平。警心錄。推廣本訓。附錄此案。見下筆有關物命字。

亦當惜之證。

李斯義曰。才人戲筆。逞一時雄快。不知造下多少筆孽。傷壞多少陰陽。不得援張湯磔鼠爰書。侈為

快事也。同上。

下筆有關人名節者。此字當惜。

案十則

宋林希醜詆諸賢指落舌爛之報

林希為中書舍人。當道欲使典制。誥逞毒於元祐諸賢。且許以執政。希久不得志。遂請甘心焉。凡元祐諸臣貶黜之制。皆希為之。備極醜詆。草制罷擲筆於地。曰。壞名節矣。後得病。十指俱落。舌爛而死。感應篇証。

姚三鼎答書自辨全人名節之報

姚生三鼎。本姓卞。博學善詩文。館某氏有女來窺。卞岸然不顧。一日。曬履於庭。女作書納於鞵中。卞得之。卽託以他事辭歸。袁怡杏作詩詠之。有一點貞心。堅匪石。春風桃李自相猜。之句。卞不受。且答書自辨無



此事怡杏緘其書而題云德至厚矣生子諶及曾孫錫皆登進士至今儒衫猶濟濟也願效籍

句容生試寓婉作家書完人夫婦之報

句容某生家貧喜陰行善事鄉試收親友贐儀共十二金徒步至省既買卷投名矣旋寓東花園地藏菴聞菴側鄰舍哭甚哀訊之則為姑病篤子久賈未歸欲賣媳以圖後事者既有主矣中夜話別盡情一慟耳生聞而憐之為輾轉設想詭作其子家書云出外頗獲利因病滯途中恐家懸望先寄書并銀十兩以

資家用等語明發封橐中銀十兩與之姑得書遂毀券生以金匱不試而歸而是科撫軍監臨布政監試與某主考皆同年進士戲作擬墨以較優劣是時謄錄官受卷官俱新進喜事請取不到卷發謄以試考官中否二三場皆如是闈中主司擊節揭曉日某生中第二名生聞報愕然至則訊以投卷不進場之故據實以對撫軍嘆曰如此陰德獲中宜也人目為場外舉人云隻塵談

毀謗節婦題詩絕嗣之報



宋端宗時元帥狗台台臨海民妻王氏有令姿被掠  
千夫長殺其舅姑與夫逼之行婦恐汚佯曰能俾我  
爲舅姑與夫服暮月乃可事君子千夫長從之師還  
挈行過嵎縣清風嶺仰天嘆曰吾得死所矣卽嚙指  
寫詩石上寫畢投崖而死字字血色如新不爲風雨  
剝蝕官爲樹廟立碑有一生疑其事作詩云嚙指題  
詩似可哀斑斑駁駁上青苔當初若有詩中意肯逐  
將軍馬上來生自是累困場屋天死絕嗣元楊廉夫  
亦有題王節婦詩曰介馬馱來百里程清風嶺上血

書成祇應劉阮桃花水不似巴陵漢水清後廉夫亦  
坎坷且無子一夕夢一婦謂曰爾憶題王節婦詩乎  
雖不能損節婦之名而毀謗節義其心至刻故天絕  
爾後塞爾功名廉夫旣寤大悔更作詩曰天隨地老  
妾隨兵天地無情妾有情指血嚙開霞嶠赤苔痕化  
作雪江清願從湘瑟聲中死不逐胡笳拍裏生三月  
子規啼斷血秋風無淚寫哀銘後復夢婦來謝是年  
登賢書未幾生子似續集驗

江陰諸生謬輕節義城隍削祿籍之報



萬歷間。江陰修縣志。一廩生負盛名。與其事。見二節婦名。不載事蹟。遂削去。城隍廟道士夜見二燈。導二婦。一從正門入。一從東角門入。城隍降階迎升階。二婦訴云。我等一生苦節。死載縣志。某生不訪氏行表章之。反竝氏名削去。神曰。此生合登黃甲。既輕節義。當削其祿籍。遂送二婦去。蓋二婦一從子貴受封。一則民間婦也。生聞之。斥為妄語。明年考劣奪廩。憤鬱而死。陰隲文註證新編。

婺源孝廉擯棄節孝塲中碎卷之報

婺源某孝廉。負時望。鄰邑聘修縣志。有公舉兩婦人節孝者。哂曰。不嫁易耳。奚足奇。擯棄之。癸丑春。赴禮闈。過泰山下。宿旅舍。夢兩婦戟手相向曰。我輩茹蘖飲冰。所得僅此虛名。何物狂生。乃謂易而黜之耶。今得請於帝矣。某驚覺。告同人。咸謂妖夢不足憑。及入闈。三藝方成。兩婦入。詈曰。今科本應掄魁。入翰苑。因爾妄肆雌黃。革除已盡。尚望終塲耶。執其筆。不得下。乃狂呼徹夜。自碎其卷而出。秋燈叢話。

傅生倡言毀節塲屋雪冤之報



借字真詮  
雲間傅生為楫與婦翁陳某俱府庠生陳未入泮時  
聘農家女為媳娶後姑凌虐之以其微賤也媳投河  
死其父訟於縣傅倡言女外私為姑見之抱慚自盡  
父乃含忍息訟康熙甲子科翁壻俱應鄉試陳夢傅  
報中解元忽見亡媳披髮垢面謂報者曰此人毀我  
名節使我沉寃未雪豈可中乎遂毀碎報單而去榜  
發傅無名同邑戴君獲售謁房考全椒令某謂戴曰  
松江有傅名為楫者本房已擬元因失第三場卷故  
不得中汝歸語之傅聞扼腕後三日投河婦忽附體

曰吾今與汝理寃矣嘔血而死施士登云往見汪堯  
峯先生選甲子南闈述而不作節題有傅君遺卷一  
篇評云搏撓有大力量才氣充溢有辟易萬人之槩  
場中當屬奇卷不謂以是失之因思名節關係不小  
有其事者尚當為之掩護況造言污蔑乎願文人學  
士咸以傅君為鑒陰騭文新編

任生宮詞書扇減削官祿之報

秦州任子田名大椿記誦博洽尤長三禮註疏六書  
訓詁乾隆己丑登二甲一名進士浮沉郎署晚年始



授御史未上任卒。本朝二甲一名進士。不入詞館者。至今僅三人。子田居其一。自言十五六時。偶爲從父侍姬。以宮詞書扇。從父疑之。致自縊死。其魂訟地。下子田奄奄臥疾。魂亦追去。考問閱四五年。冥官庭鞫七八度。始辨明出于無心。然卒坐以過失殺人。減削其官祿。故仕途偃蹇如斯。賈鈍夫舍人曰。冥官治是獄者。卽顧郎中德懋。二人先不相知。一日相遇。彼此如舊識。時同在座。親見其追話冥司事。子田對之。猶慄慄也。異談可信錄。

幕客徇友傳婦陰譴之報

公庭提人不可不慎。固已事涉婦女。尤宜詳審。非萬不得已。斷斷不宜輕傳對簿。婦人犯罪。則罪男夫。具詞則用抱告。律意何等謹嚴。何等矜恤。蓋幽嫺之女。全其顏面。卽以保其貞操。而如悍之婦。存其廉恥。亦可杜其潑橫。吾師孫景溪先生諱爾周。言令吳橋時。所延刑名幕客葉某者。才士也。一夕方飲酒。忽仆地。涎沫橫流。氣不絕如縷。歷二時而甦。次日齋沐閉戶。書黃紙疏。親赴城隍廟拜而焚之。回署後。眠食若平。



常越六日。又如前偃仆良久復起。則請遷居外寓。詢其故曰。吾八年前館山東館陶。有士人告惡少子。調其婦者。當核稿時。欲屬居停專懲惡少子。不必提婦對質。友人謝某云。此婦當有姿首。盍寓目焉。余以法合到官。遂喚之。已而婦投繯死。惡少亦坐法死。今惡少控冥府。謂婦不死。則渠無死法。而婦之死。實由內幕之傳喚。館陶城隍神關提質理。昨具疏申剖。謂婦被惡少所調。法合到官。且喚婦之說。起于謝某城隍神批准。閱覆是以數日。幸得無恙。頃又奉提。謂婦被

調之後。夫已告官。原無意於死。及官傳質。審始忿激。指生而傳質之意。在窺其色。非理其冤。念雖起於謝某。筆實主於葉某。謝已攝至。葉不容寬。余必不免矣。遂移寓于外。越夕而殞。夫以法所應傳之婦。起念不端。尚不能倖逃陰譴。况法之可以不傳者乎。佐治藥言

部吏指摘咨文宿業牽纏之報

老儒周懋官。口操南音。不記為何省人。久困名場。流離困頓。嘗往來於周西擎何華峰家。華峰本亦姓周。



或二君之族歟。乾隆初余尚及見之。迂拘拙鈍古君子也。每應試或以筆畫小誤被貼。或已售而以一二字被落。亦有過遭吹索如題目寫日字。偶稍狹。卽以誤作日字貼。寫己字末筆偶鋒尖上出。卽以誤作己字貼。尤抑鬱不平。一日焚牒文昌祠。訴平生未作過惡。橫見沮抑。數日後夢朱衣吏引至一殿。神據案語曰。爾功名坎坷。遠瀆神明。徒挾怨尤。不知因果。爾前身乃部院書辦。以爾狡黠舞文。故罰爾今生爲書癡。毫不解事。以爾奸指摘文牒。雖明知不誤。而巧詞銀

鍊以挾制取財。故罰爾今生處處以字畫見斥。因指簿示之曰。爾以日字見貼者。此官前世乃福建駐防音德布之妻老節婦也。因咨文寫音爲殷。譯語諧聲。本無定字。爾反覆駁詰。來往再三。使窮困孤孀。所得建坊之金不足供路費。爾以己字見貼者。此官前世以知縣起復。本歷俸三年零一月。爾需索不遂。改其文三字爲五。一字爲十。又以五年零十月核計。應得別案處分。比及辨白。坐原文錯誤。已沉滯年餘。業報牽纏。今生相遇。爾何寬之可鳴歟。其他種種皆有夙



因不能為爾備陳亦不可為爾預洩爾宜委順無更  
嗟嗟儻其不信則緇袍黃冠行且有與爾為難者可  
了然悟矣語訖揮出霍然而醒殊不解緇袍黃冠之  
語時方寓佛寺因遷徙避之至乙卯鄉試闈中已擬  
中第十三名二場僧道拜父母判中有長揖君親字  
蓋用傳奕表不忠不孝削髮而揖君親語也考官以  
為疵累竟斥落方知神語不誣此其館步丈陳謨家  
名登廷棗強人官製造庫郎中自詳述於步丈者後不知所終殆坎  
壙以沒矣紀文達槐西雜記

下筆有關人功名者此字當惜

案四則

馬文肅收拔劣卷士林尸祝之報

馬文肅公世奇己卯典試江南時學使者侯峒曾自  
負衡鑒言歲試出劣卷凡四千人公駭然曰是舉得  
無過當乎孤寒不幸遭此聲名掃地無論絕進取路  
且永失館穀矣峒曾悚然曰奈何因語以覆試拔等  
於是收復過半至今士人尸祝之覺世真經說證

文肅此語令天下寒士聞之當一齊痛哭原跋



查宮詹筆慎塗抹後人魏科之報

查宮詹。昇浙江海寧人。康熙戊辰進士。改編修。已卯。典試江西。受命日。即單車就道。入闈。集同考官。十三人。焚香誓天。曰。某二十年備嘗舉業之苦。敢負。初心。今與諸公約。期。久公慎。搜羅真才。違者殃及再。世。每得一卷。必反覆推勘。得佳卷。欣然擊節。即遇不。愜意者。亦未嘗奮筆塗抹。必對本房商確。本房所言。有當。轉從而賞識之。試錄序云。不敢憑臆見。以矯異。不敢徇衆論。以黨同。乃述實也。撤闈後。遠近翕然稱。

得士盛德若此。宜其後人掇巍科。享厚報焉。汪端光  
劍潭偶筆

房官墨筆醉誤遺卷火起之報

乾隆戊子。黔中秋闈。貴州鎮寧牧山左王石澗執事。外場至薦卷期。忽傳內場火起。驚詢之。則非真火也。蓋綠房官某嗜飲。日夕時。闌入醉鄉。秉燭閱卷。得一。卷。文頗佳。酒後興狂。輒用墨筆圈批。既醒。知為誤用。深惜而悔。然違場例。置之案頭。弗敢薦也。次日晚飯。罷主考。與各簾官論文之頃。而其房內突起火起。羣。



奔而救至則寂然環相詫異視之案頭有一卷主考閱之曰此卷可中元詢何不薦始悉前故主考曰何妨卽作吾圈批者竟領解及拆封填榜乃蕭鳳翔也皆謂蕭生陰德之報然中後蕭不認房師而以鬼爲師其亦謬矣汪啟淑水曹清暇錄

師長改作文字悞人子弟之報

萬歷間京口張某早蜚文譽試七次不入泮禱文昌祠夢帝君曰爾知罪乎試想十五年來豪富相延束脩殊厚爾所授不能償十之一凡歷五家皆爲改作

文字誑其父兄誤其子弟天罰已至尚望人泮耶覺而自悔未幾以生徒賭鬪人命事株連訟庭刑辱貲竭悒悒死又近年杭州沈某少有文名遊京師富貴家多厚脯延訓其子弟沈爲子弟代倩文字以誑主人主人面試則多方買囑家人傳遞雖童婢莫不賄遍內外蒙蔽與及門日事賭博而取利焉歲丁巳及門歛金援例南歸鄉試宿泰安州東嶽廟下夢神切責云受人厚脯下筆誤人子弟死期已至尚敢冀科名耶命答背四十呼號而醒不數日疽發背痛苦中



惜字真詮

自○供○劣○蹟○至○鎮○江○歿○於○舟○次○此○顧○天○臣○家○人○同○舟○所

目○擊○感應篇註證新編

下○筆○屬○人○闖○閨○陰○事○及○離○婚○字○者○此○字○當○惜○

案○十○二○則

李○生○作○口○業○文○榜○名○補○缺○之○報

明○嘉○興○生○員○李○定○無○志○場○屋○遇○子○弟○親○友○筆○舌○及○閨

門○事○便○正○色○止○之○更○作○口○業○文○行○世○門○人○多○應○舉○者

強○邀○與○試○夢○其○父○語○曰○前○月○有○一○士○應○今○科○聯○捷○為

姦○室○女○除○名○蒙○文○昌○奏○汝○作○口○業○文○訓○誡○後○進○陰○功

不○小○請○補○其○缺○汝○必○聯○捷○矣○榜○發○果○中○次○年○成○進○士

官○至○御○史○祥雲集

唐○臯○悔○毀○婚○券○旋○中○狀○元○之○報

明○諸○生○唐○臯○以○文○謁○郡○守○守○器○重○之○每○見○臯○來○恍○惚

有○金○絲○燈○籠○前○導○心○益○敬○之○未○言○一○日○忽○失○燈○守○駭

曰○子○近○有○損○德○事○乎○直○言○無○隱○臯○曰○適○有○負○人○錢○者

將○妻○賣○償○奈○無○代○筆○以○一○金○託○臯○遂○為○作○券○爾○守○即

出○一○金○囑○臯○曰○子○速○還○金○誘○彼○婚○書○裂○碎○之○臯○如○守

言○毀○婚○書○入○謝○守○而○燈○復○在○矣○守○大○喜○與○言○其○故○正



德甲戌。臯狀元及第。陰陽文註證二刻

葛鼎彝代寫離書盡削科名之報

四明諸生葛鼎彝。每赴學舍。過一磚橋廟。必揖而去。神託夢廟祝曰。為我築屏於門。葛狀元過此。必揖我起立。不安。祝如言。將鳩工。神復夢曰。無庸。葛生代人寫離書已盡。削科名矣。蓋里有棄妻者。挽葛代筆也。葛聞而悔。過力為完其夫婦。後止中鄉榜。官副使。最樂編

某孝廉入闈筆管搜出離婚書褫辱之報

浙有孝廉某者。其友豔他人妻。計欲得之。孝廉為畫策。蜚語入其夫之耳。謂其妻有所私。夫欲出妻。亦商於孝廉。復力主之。為作離書。既脫稿。其夫手錄去。適賣筆者至。購選佳毫。以脫稿塞筆管中。順治戊戌會試。携筆入闈。忘有離書稿在筆管內。搜檢官得之。立褫革枷。示場門外。杖責發落。羞恚死。感應篇註證新編

硃批天榜寫離書除名之報

孫侍郎洪少遊太學。一同舍生得其父家書云。昨夢



見天榜汝與孫洪皆有名但孫名下殊批云某年月日不合寫離書當除名孫見之愕然曰向過某州有翁媪相詬求離乞余代寫離書輕應之不謂受譴乃爾及就試生果中而孫下第後訪其夫婦俱未偶因述前事置酒合之孫後登第屢與大郡所至有離婚者莫不婉轉調護夫因其已離而離之且為鬼神所譴彼有意挾私挑唆離間者其罪更當何如同上

孫生代書離婚棘闈屢困之報

寧海孫生性方正為邑推重康熙甲子元旦昧爽聞

空中人馬喧騰仰首無所覩佇聽之彷彿唱名聲第一名李永紹第二名趙資已名第三以下則聲細不可辨頃之寂然孫大驚疑名登鬼錄悒悒不樂是秋榜發李名哀然高列乃大喜以為吉兆次科趙亦中益自負謂異日功名必步兩公後顧趙李後先成進士李官工部尚書趙官侍御史而孫頻困棘闈僅食餼以明經老嘗語人曰自揣平生無失行惟偶代人作離婚書一念之差漫然落筆至今以為憾異談可信錄



代寫休書夢神剋目之報

姚桐城曰。余有父執臨終。嘆息告余曰。我一生無他過。惟一友伉儷不睦。妻常懷死志。適有願娶之者。渠夫婦欣然欲就。余因欲救其妻。乃代寫休書。忽夢神怒剋予。日子泣告無罪。神曰。留汝目。再寫休書。平寤而雙目失明。至今悔恨無及。汝等凡干涉人婚姻事。切宜曲勸保全。萬一不從。斷勿預事。草草下筆也。慎之戒之。務本立命錄。

談人閨閣中洩恨之報

順治辛卯。蔣太史虎臣主試浙闈。見一卷甚擊節。業已定元候。二場不至。查詢外簾。乃知以卷面有好談閨閣四字。被貼矣。榜發後。召本生詢之。云在號內。夜見婦人爲之磨墨。旣去。而卷面已有此四字。可見一時口業筆業。卽有幽魂齋恨至此者。嗚呼。士人有志科第。可不炯戒於平居哉。感應篇註證新編。

附錄

徐幼眉明府戒談閨閣文

蓋聞閨房至密。夜半語難信。邱明。讒口無常。牆頭



人徒誣宋玉毀不疑之帷薄。詎知伊本無兄。呼忠  
懿之浮圖。遂至訛為保叔。歷觀已往。可例於今。爰  
有少年輕薄之徒。市井尖新之輩。自誇綺語。擬翻  
太白之蓮。間雜淫辭。漫炙淳于之輟。始而將言。嚙  
嚙似凜。三緘繼則信口捷。幡偏成大快。待月迎風  
之句。無難確證。雙文朝雲暮雨之詞。不惜徑污神  
女。甚而三人成衆。動訝朋奸。行且二女同居。皆疑  
薦寢。繪私情於牀第。抵掌者大都蛇足。多添供娛  
笑於朋儔。傾耳者竟使石頭同點。口講指畫。志蕩

情移一人。肆吠影之談。羣集動隨聲之和。猶謂操  
品評於月旦。可以參褒貶於春秋。是誰之過歟。吾  
未如何矣。夫桑中密約。世原不乏。冶容而月下幽  
歡。爾豈親窺秘戲。是用告諸蘭友。各宜謹此。莠言  
勿恃。懸河妄評。傾國即使孽緣。墮足尚宜加以哀  
矜。如其清節持躬。豈可轉為擬度。片言欲訥。無忘  
慎不害之占。衆口喧傳。恐成莫須有之獄。至若香  
閨弱質。金屋阿嬌。正當憐母之年。瓜初破字。豈必  
懷春有意。葉解題詩。叵測狂且。偏疑淑女。指琵琶



之暗抱已締三生數荳蔻之含胎將彌十月以此  
日鑲金之語祇佐狎談而他年完璧之歸誰消風  
惑冤銜白首當舉案以無顏恨及黃泉雖蓋棺其  
不瞑又若鏡鸞孤掩釵鳳分飛暮雨晨風空對忘  
憂之草秋霜春露徒傷獨活之苗力已拙於補天  
志固堅夫轉石乃因膏沐偶畫蛾眉不謂輕狂遂  
張箕舌吹沙射影有覩者胡罔極哉忍垢含尤未  
亡人與誰訴也死而有覺亦當感薄風雷人孰無  
良會須投異豺虎凡茲二事尤貴三思他如戚屬

薦蘿誼聯瓜葛夜月鄰家之女春風旅店之人歎  
憔悴之村姑飢來乞食憐嬌羞之小婢慧果知詩  
一切目見耳聞俱懲倡子和女則倘非我作不憂  
無後之譏福自天申自獲寡尤之祿矣更有異樣  
癡情無端慾念本非潘岳妄思擲果之緣苦效幼  
輿不懼投梭之辱以故端陽競渡元夕觀燈古寺  
拈香春郊上冢有美偶踰繡闥彼姝小憇芳塍乍  
瞬秋波本無心而轉盼偶拋玉唾豈有意於伸情  
乃若人心既醉於溫柔而後此辭遂工於刻畫遇



歡場而展謔。頻喚冤家。際燕酌以言私。時呼倩女。青鸞信杳。方擬通有約之書。紅豆花開。直濫寫相思之字。遂令閨中艷質。頓減芳名。都緣世上澆風。自矜奇遇。嗚呼蒼蒼。在上天豈獨無耳乎。喋喋而談。爾胡掉此舌也。伏願堅持慧劍。默息舌鋒。塵尾同揮。莫效園葵之撒。雞窗共話。無歌木李之投。苟事介乎嫌疑。履原不納。卽身當夫。妖蕩琴敢輕挑。既持二色之箴。復謹三愆之戒。庶幾鳳毛振彩。桂苑秋香。驥子超羣。槐堂春霽。功名等於芥拾。壽考

長與椿齊。又豈僅擾攘塵中。免結酸心之怨。森羅殿上。可彌拔舌之災而已哉。兩窗無事。偶檢冒辟疆戒淫文中。有戒談閨闈一段。因推廣其意。而為之。豈敢與古鬪工。聊作摩甃韃之戒耳。奉新徐必觀幼眉自記。高安熊如洵少泉明府在都門貽劍筆錄各宜痛戒也姚舜牧曰。聞人曖昧。切不可出諸口。下諸筆。一句虛言。折盡平生之福。陳眉公曰。人之好談閨門。及發人陰事者。決有奇禍。感應篇註證新編。



洪字七號卷貼出自寫汚人閨闈五十三事之

報

江南壬午鄉試頭場貼出洪字七號其卷中添註塗改下自寫汚人閨闈共五十三事先時監臨宋公點名畢恍惚見一女蓬頭而趨後一冠帶官人隨之隱隱聞聲曰在洪字第七號及藍榜貼出果此號也可見筆舌間汚人閨闈喪德甚矣天處高而聽卑必怒殛其身而不輕恕且卽以其壞人家門者還以壞其家門供人談笑也陰隲文新編

與我寫談人閨闈四字擲卷於地之報

江南省試一生七草俱完見一女子按其卷曰與我寫談人閨闈四字生知爲鬼也喊驚同號衆往視之絕無形影及衆散去女復來令寫生不肯女擲卷於地而去生拾視幸無損壞及謄完至七藝結語則已易談人閨闈四字矣生愕然以指抹唾洗之而卷已破復於紙破處閱其字句則仍自己結句也以卷破貼出最樂編

場中大書卷面之報



乾隆丙子科順天鄉試有大書於卷面者曰黃四姑  
娘開折見藍榜和那額夜譚隨錄

幕客祝文媒謔葬神謹死之報

周生為某邑幕客適令公出其夫人徐有參禮碧霞  
元君願使周為祝文周作駢詞筆涉狎謔中有云栽  
洛陽滿縣之花偏憐斷袖置夾谷彌山之草惟愛餘  
桃此訴夫人所恨也既脫稿示同幕凌生凌以為蕪  
戒勿用弗聽付僕攜儀代往無何周生暴卒於署既  
而僕亦死又未幾徐夫人亦死乃知慢神之譴云覺

世真經說證

下筆離間人骨肉者此字當惜

案二則

蒙師不寫告詞全人兄弟之報

休寧一蒙師家貧性喜讀律村中有富人死二子爭  
產兄欲訟弟持厚儀乞寫告詞師謝曰吾讀律為他  
年判獄地豈肯為人興訟備述手足相爭兩敗俱傷  
之往事以婉勸之兄頓悟後其弟來亦以此言勸之  
弟亦感泣歸家和顏事兄兄愧吐所侵遂歡好如初



同心居室蓄益富一日販沙板至中途忽見板有鐫  
蒙師姓名者兄弟嘆曰荷某先生勸息爭訟得以成  
家大恩久不報故天書彼姓名以示我兄弟耳相約  
售以贈師抵家市得銀三百兩時師年邁失館父子  
對食麥粥忽二人持銀趨拜備言其故父始欲卻子  
曰天賜也遂拜受之勸誠類鈔

李生寫狀聞人骨肉之報

李中規保定府庠生逾四十無子乃禱於墓曰中規  
何罪受此罰耶是夕夢其祖告曰汝無他過但館某

家造謊言致骨肉不和又代寫狀令其兄弟結訟數  
年產業花盡故有此報規後悔過遇人骨肉爭訟者  
必多方勸解之遂生一子似續集驗

附錄

西山真氏曰遇有親族不和父子兄弟夫婦參商  
者當曲為調停使人和好若生端啟釁致其情意  
乖離此則豺虎所不為也感應篇註證新編

下筆謀人自肥傾人活計者此字當惜

案二則



字某陰謀二子付刀箭簿之報

太湖字某有二子某陰謀詭計動筆輒思傾陷人一  
 日病死復甦曰適至冥司冥官責我曰汝筆底殺人  
 多矣祖父稍有陰德今已削盡應來受報批於簿曰  
 當入抽腸地獄二子付刀箭簿以絕其嗣尚有陽壽  
 三日故復甦以告人耳越日死踰年盜起次子被殺  
 長子逃出而復為盜獲縛於樹杪亂箭射死始信付  
 刀箭簿之驗也似續集驗

明經某盤算陷害積業身後之報

于鐵樵言同年江南某公有明經叔家富性貪而狡  
 然善交要路以文章聲氣取重衣冠人不知其惡也  
 後暴卒卒半載其友周某亦暴卒一晝夜而甦言見  
 明經遍身枷鎖略無完膚呼周泣曰惟君知我家事  
 我哀懇冥王邀君代傳一信我生平積業如山死後  
 一一受報悔無及矣惟有一二可改之事尚可減我  
 業報萬一我盤算重利逼人寫借票幾十紙用計陷  
 害逼人寫田地墳屋幾十紙俱在臥室某箱可一一  
 檢出原字付還本人并煩寄語吾子家中金帛雖多



與彼毫不相干財產一日不盡禍患一日不消速覓善緣布施都盡雖無濟於我尚有益於彼不信可記吾言某月日某莊當火遂語其子子如戒而散財未能也至某日某莊果火此康熙甲寅七月間事勸誠類鈔

桂杏聯芳譜第三卷終

桂杏聯芳譜第四卷

廣豐徐 謙白舫輯案 男 蘭蓀香祖校

文昌帝君惜字真詮十二則下

下筆凌高年欺幼弱者此字當惜

案二則

王輔嗣輕鑿誚老之報

王輔嗣註易輒笑鄭康成爲老奴時夜分忽聞外閣有著屐聲須臾進自云鄭康成責之曰君年少何以輕文鑿句妄誚老成耶極有忿色俄輔嗣卒 幽明錄



沈嘉謀代顧氏子餉軍子孫榮達之報

沈公嘉謀家裕無子居鄉好義邑有顧氏子者十歲喪父家頗富值倭亂邑令集諸大戶議餉軍衆論無如顧子公獨惻然曰顧子孤兒寧堪此役衆謂彼僕豈少公曰吾正慮彼強奴挾重役以凌幼主則家立破耳必欲役顧子吾請任之公慨然直註已名於冊軍興數年不累顧氏子後公生子長位官檢討次倬官至宮保三孫皆成進士覺世真經說證

陳智錫曰松陵沈氏科第之盛每訝何福之隆及

觀沈公憫他人之孤而甘以身任重役其大仁大

勇他端類是可知宜科名冠一邑歟同上

下筆挾私懷隙故賣直道毀人成謀者此字當惜

案二則

張旦好評陰私舌枯而死之報

紹興張旦賦性險惡專好評人陰私遇端人正士尤無中生有好逞筆舌造謗與謠百計污衊久而舌忽腫痛以針刺血碗許始定屢發屢刺不二年舌枯而死洪昉思於姜京兆座間親見之感應篇註證新編



同經友訴牒郡守害人自害之報

三山蘇大璋治易有聲戊午鄉試夢中十一名對人言之有同經友訴牒於郡謂自許之確如此必與試官有約乞究治之及填榜拆號第十一名果易經也郡守攜所訴牒徧示考官考官當堂以副榜卷易之即蘇大璋也其由正榜而易副榜者訴牒友也陰隲文註證二刻

下筆唆人構怨代人架詞者此字當惜

案十五則

祖孫父子無一字入公門註昌三代之報

太原王用子夢文帝諭曰爾同社中周吉今科山西解元也時用子社中惟吉最恂懦文字復不勝諸人聞之愕然因叩中元之故諭曰周吉祖父俱為士從無一字入公門從不奸淫一婦女相沿三代並不形人一短暴人一惡且其祖曾作百忍說訓人感化者多父子祖孫六十餘年最上陰德人皆不知惟上帝克嘉注昌三代今吉發元特福澤肇端耳用子驚寤榜發周吉果解元池善錄節抄



蕭蘭忍饑擱筆身顯之報

蕭蘭玉山人家住縣前以書狀為生每逢人做狀先為十分勸息不得已方為寫狀必叩其情實方下筆嘗數日不舉火寧忍饑不肯為人枉造一語後家貧無計發憤習武官至總兵陰騭文勸戒編

訟師善念還陽之報

莫東冥案載一訟師至冥冥王言汝雖惡業然寫詞時每勸人息爭勸莫誣告又詞中每暗為之從輕有此善念姑免其死因得還陽最樂編

府刑書救人兒中名數適如救數之報

睢陽田姓充府刑書凡州縣詳到刑案夜秉燭詳閱稍得一問生路即批駁回下自云有死案而求其生者七十五人後五十八歲生一子甚聰穎十三歲掇芹十六歲赴秋試田某夢其亡父告曰今年吾孫中七十五名以爾身為刑書救人甚多中之名數適如救之數揭曉果應後其子官至中丞修福全書

某生不慎筆墨警夢遷善之報

語水某生少不慎筆墨人欲寫狀者常揮與之後一



子週歲病絕已置空室生夢見僧某扛一箱至出書稿焚之黑烟四散中有一二縷青烟上有聲喚云是可還他若有物擲下僧指謂曰此皆汝年少所為其青烟者乃汝所刻戒淫殺戒食牛犬并勸人息訟稿也後宜慎之遂醒醒時子復乳食生從此力行善事又連舉三子至五十四歲臥病忽作偈曰拋棄石珠一百八空食五十四年粟今日撒開雙手去寄與妻孥不必哭擲筆反席而逝勸誠類鈔

韓其相治獄仁恕旋獲祿嗣之報

蕭山韓其相少工刀筆久困場屋且無子已絕意進取矣雍正庚子冬公安縣慕夢神語曰汝因筆孽多盡削祿嗣今治獄仁恕賞汝科名及子其速歸未以為信次夕夢復然時已七月初旬答以試期不及神曰吾能送汝也寤而急理歸裝江行風利八月初二日竟抵杭州以遺才入闈中式次年果舉一子汪輝祖佐治藥言

附錄

太微仙君功過格中出言格小序曰言乃三不朽



之一也。而可苟乎哉。然言心之聲也。端正心田。則  
硯田自治。蓋有一勸世化俗之心。則著述之勞。皆  
堪不朽。有一超生出死之心。則案牘之下。罔非福  
堂。有一救濟心。則指動而春回。寒谷有一和平心。  
則片詞而微中。解紛惟下筆時。慎而又慎。則惜筆  
墨。所以養精神。斂聰明。所以承福澤。所關匪細。各  
宜自檢。又曰。凡人一啟口。一舉筆。便有神明。故  
昔有書成而嚼舌死。及子孫三世瘖啞者。一文字  
而召譴。獲報如此。可不慎乎。而最大者。莫如著述。

如商韓俱以刑名就死。何鄧俱以清談見誅。卽近  
世李贄著書舛謬。終罹天憲。此在大文人大豪傑  
所宜痛戒者也。苟不覺悟。卽逞才當世。書愈行而  
過愈多。何不留此筆墨。而爲有益之文乎。下此則  
簿書行移。其一字皆關人生死。不留有餘之地。則  
天殃不遠。報在子孫矣。再下此則文士吟咏歌詞。  
或皮裏春秋。藏譏貶以罵世。或筆頭脂粉。壞風俗  
以誨淫。害已害人。則何益矣。要必正心術。端志向。  
然後諸召過之書。不犯其腕下耳。王棊臣寶善編



戒書邪以保筆謂之手德其箴曰韓非說難身斃  
囹圄崔浩造謗死猶截舌故失筆喪身往往現報  
不獨貽禍於己抑且累及後人較之惟口啟羞者  
其禍更烈願效籍五德之一

闈卷撲印狀字神懲刀筆之報

順治丁酉科豫章一士子入闈作文繕寫畢自揣必  
售忽見魁星跳舞其前曰汝今科狀元也可書狀元  
二字於我掌中士子大喜方捉筆書一狀字魁星忽  
以手反撲印於卷面而去此卷因是不得騰進蓋士

子素善刀筆也 初菴偶筆

附錄

貴溪蔡兆圻戒詞狀文

蓋間學究陰符蘇子之連橫流毒文深老吏張湯  
之羅織埋冤律以善戰之刑不啻預操平券誣以  
陷臣之獄究如循轉於環凡以干天地之和觸人  
神之怒為勢所必至亦理有固然者也何期殷鑒  
匪遙波流愈下工刀筆厲詞鋒庸猥者希心濟貧  
旋當改轍高明者藉口拯困何妨通權豈知快斧



不及自持利韁末由可挽非指鹿以為馬即射影而含沙代他人捉刀邠生因之鑿晉為自己澆墨公子借以報韓甚者螭蚌相持故翻雲而覆雨股掌可玩遽入室以操戈串胥吏以糞分肥鯨吞兩造倚劣宦以為營窟虎踞一方總由控不住馬意猿心畫遂成牛神蛇鬼噫嘻簧鼓所至皂白不分親戚傷殘家園破敗雖在勝者悞驚為囊智然而負者實痛切椎心矣彼夫階下成招不過一時之威凌無地獄中待斃詎料三尺之案倒如山遇良

有司必不拘乃成見在慈父母或易狃夫偏詞矧夫谿壑飽於錢神苞苴倩以竿牘誰惜彼林猿之慘不成此覆盆之冤也歟且夫中山拔毫未聞稔殺人之具管城食邑何曾崇釀禍之階縱不思排難以解紛胡反效舞文而弄法詞成霹靂盡入天刑字帶風霜半登鬼錄為怨之府實罪之魁豈分過之無其人歟抑發難焉實由我也逃王法者或十之三漏天網兮無百之一若笞杖若徒流若絞斬裂商君之車件件總是輪迴或雷霆或水火或



借字真詮  
瘟○瘟○入○周○興○之○甕○隱○隱○照○依○式○樣○斬○焉○血○食○上○世○  
之○宗○祖○銜○哀○纏○以○瘡○瘍○後○代○之○兒○孫○飲○痛○且○也○戰○  
競○競○臨○深○履○薄○樸○簸○簸○活○剝○生○吞○剉○燒○磨○春○幾○番○  
遺○恨○黃○泉○路○胎○化○卵○濕○一○派○淒○魂○夜○雨○天○償○不○盡○  
紙○上○冤○逋○酬○不○了○筆○頭○業○債○詎○僅○當○身○落○魄○與○夫○  
畢○世○坎○坷○已○耶○嗟○乎○當○其○機○關○默○運○方○謂○有○力○回○  
天○迨○至○果○報○紛○來○轉○覺○無○門○入○地○清○夜○自○揣○果○孰○  
重○而○孰○輕○歟○末○路○追○思○竟○如○夢○以○如○幻○矣○與○其○後○  
悔○於○無○及○何○若○早○思○而○預○防○謹○勸○發○覺○悟○心○具○勇○

猛○力○筆○由○心○正○法○直○臣○格○君○之○言○劍○去○書○成○懲○壯○  
士○擇○術○之○悞○胸○中○縱○饒○兵○甲○口○內○不○說○雌○黃○具○馳○  
風○驟○雨○之○才○寧○草○沙○場○之○露○布○戒○戛○玉○敲○金○之○句○  
期○織○月○殿○之○雲○裳○筆○墨○既○有○靈○無○異○江○淹○入○夢○文○  
章○能○造○命○直○如○元○禮○登○仙○更○冀○大○聲○疾○呼○唱○予○和○  
汝○俾○處○處○脫○離○湯○火○務○人○人○吐○出○蓮○花○經○不○云○乎○  
積○善○之○家○必○有○餘○慶○瑪○瑯○嘗○謂○矣○地○獄○之○設○正○爲○是○  
人○蓋○劍○樹○刀○山○總○是○筆○端○湧○出○洞○天○福○地○原○從○腕○  
底○尋○來○敬○託○素○悃○於○梓○人○用○代○清○鐘○於○午○夜○不○也○



情字真話

嗔予罵座誰歟。謂我貪天也哉。此蔡先生次孫國子監學正淡辛未

京邸授文一紙今附錄之以廣其傳

訟師世家試卷上寫告字之報

諸生某豐才博學屢落孫山年六旬餘復試棘闈三藝成頗自喜正擊節朗誦忽一人褰簾入曰告字某畫一時失記公幸教我因伸掌索書生笑曰腐頭巾此字亦忘却耶遂援筆書其掌其人遜謝去生展卷披閱不覺驚叫鄰號競出視生卷面大書一告字墨迹淋漓愕眙問故生訴其由遂納卷出蓋生固以訟

師世其家者 秋燈叢話

誣告構陷歷徵顯罰之報

紀曉嵐先生曰余督學閩中時一生以導人誣告戍邊聞其將敗之前方為人構詞手中筆爆然一聲中裂如劈恬不知警遂及禍又文安王岳方言其鄰有人將構陷善類方具草訝字皆赤色視之乃血自毫端滴出也投筆而起遂輟是業竟得令終余亦見一善訟者為人畫策誣富民誘藏其妻富民幾破家案尚未結而善訟者之妻真為人所誘逃不得主名竟

桂杏雜芳譜 卷四



無所用其訟。感應篇註證新編

薛敷家付火司人付水司之報

永福縣薛敷巧刀筆翻亂是非積有中入產一日請  
道士鄭法林設醮鄭伏壇下良久起言表尾殊批云  
家付火司人付水司錯愕不解未幾家中無故火起  
積貫燒盡敷挾筆渡江餬口桅折擊之墜江而死感  
應篇註證新編

寫狀唆訟抽腸拔舌之報

順治年間孝感林生嗣麒誤拘至冥見主者判獄審

至第五牌惡犯吳某黃岡人少習儒改業寫狀為生  
主者云從來寫狀人無一善類吳云小人止曉代書  
並不敢造孽主者云造福者功不在財而在念殺人  
者罪不在刃而在心汝既寫狀橫想一萌萬火莫禁  
硯池即是血池筆頭快若刀頭落一字不難破人之  
家下一筆定欲傾人之命舌底具有三木紙上便是  
囹圄改之又改精更求精被犯有名拘之惟恐不速  
牽連無罪收之必欲無遺汝尚強飾無惡孽耶吳云  
小人縣前抄寫俱稱為吳布袋小人之狀豈有殺孽



主者云。汝尚敢支辨耶。卽布袋之名。汝罪難逃矣。汝念在殺被告。而狀反殺原告。罪更加一等。速押抽腸地獄。遍歷三塗。再擬。又一名惡犯錢某。麻城人。居鄭家莊。充本縣保。欺專唆訟。騙財不可數計。且唆一寡婦之姪。與嬸許訟。卽將寡婦之產。反爲其姪託情。費五百餘金。致寡婦含冤而死。况餘惡尚多。理無輪迴。應入拔舌地獄。以正其辜。嗣麒麟爲人述之。因果實錄

吳志南精於刀筆擲碗刺喉之報

長沙吳志南。博古能文。尤精刀筆。家貧。屢困場屋。遂

就幕席。人爭延之。家漸裕。雍正壬子。闈中文頗得意。將出號門。忽作失驚狀。取磁碗擲破。持犀利者刺喉。鮮血淋漓。仆地而死。人皆謂其刀筆害人之報。勸誡類鈔

專喜構訟父子凌遲之報

雲南某生。小有才。作呈狀揭帖。專喜構訟。子聰慧。能文。弱冠。領解。友屢勸之曰。君向者無賴。持三寸管。不知造下幾許罪過。今有子如此。可改圖矣。遂棄去。數月。子目忽瞽。某乃詈友妄言。怨天道無知也。仍構訟。



如○初○子○目○復○明○適○耿○賊○之○變○從○逆○大○用○賊○滅○父○子○同○  
凌○遲○於○市○此○吳○浣○陵○明○府○聞○之○李○制○臺○口○述○如○是○高  
積厚筆錄

夏正名少習刀筆攝魂冥獄之報

江陰諸生夏正名少秉異姿萬歷癸丑忽病顛跣足  
狂走臥不擇地學使熊芝岡歲試正名已注病籍忽  
自宜興至作詩祭儒巾於院門徑去其詩云殷勤交  
付破頭巾慄向君門再獻身草履暮投山寺月水瓶  
朝吸洞庭雲生涯雪嶺兼梅嶺蹤跡山盟共水盟野

鶴本來無住着逃儒非是會逃秦自是遂顛不可療  
嘗自詫曰吾特一念錯耳少館顏氏其家好訟因交  
訟師習刀筆久之瞥見攝魂使者初置之火燄獄故  
不耐冠履再置之颺輪獄故狂走不息云覺世真經  
說證

拔貢某涉筆訟詞 朝考失卷之報

吾邑父老傳說雍正年間有貢生某者素負材智為  
一族倚重人以訟詞浼者往往不拒選拔後赴都  
朝考卷袋懸懷中入試尋卷不見出場時仍於懷內



取出同時北上友旋里言之。某於狀事不過偶涉筆耳。乃遂獲此報。可為前車鑒矣。翁懷關先生口述  
下筆恣意顛倒是非。使人含冤者。此字當惜。

案八則

李某立論誕妄。刎首獄中之報

明李某舉於鄉。後為郡守。其學以翻剔前案為奇。非毀聖賢為高。嘗創為兩人語。其一曰。天不生仲尼。萬古如長夜。其一笑曰。然則羲農以下。晝盡燃燭而行也。次至孟子。迄於朱程。誹侮尤甚。專一掊擊繩趨矩

步之士。以始皇為聖帝。武氏為聖后。馮道為聖相。反賊林道乾為二十分膽。二十分識。晚年兒死。益誕妄。削髮為僧。初與耿楚侗為友。後耿惡其誕。遂操戈攻耿。疾學士如仇。為張給事中所奏。付錦衣鞠問。李懼罪不測。遂刎首獄中。陰隲文勸誠編

徐生武斷顛倒。終身淪棄之報

嘉善徐季方曰。余里有徐生者。少負時譽。讀書於光德庵中。一夕夢神曰。我有文七篇。在我座下。今年科場題也。子熟記之。可膺首薦。明晨往視。果有文七篇。



在焉。朝夕背人熟讀。及入場。七題無一爽者。和墨揮毫。忽茫無一字記憶。信筆終場。揭曉無名。及閱闈墨。解元文。即神座下之七篇也。生終身淪落。余為童子時。習知其武斷於鄉。是非曲直。任意顛倒。神惡之。故戲之如此。感應篇註證新編

解某顛倒是非身天絕後之報

順天解某。博雅工文。年十六入泮。次年補廩。人皆以翰林期許。但存心不善。嘗語友曰。我今日讀書。日後作官。設巧計取錢財。聲色滿前。以酬我之勞。聞人談

果報。則曰。此媽媽語也。見人戒殺生。則曰。物類原供人食也。以惡為能以善為非。一先達戒之曰。是謂拂人之性。災必逮夫身。年十九吐血死。無子。妻改適。似續集驗

顛倒陷人冥判摘舌之報

蘇郡陽山太尉廟中。一僧舌分兩片。語音含糊。每逢人必吐舌示之。曰。此現在因果也。我壯年工刀筆。顛倒是非。陷人無算。一日病甚。見鬼使押見冥王。王歷數予罪。判云。筆以代舌。筆端之惡。同於舌端。罪應摘



舌○余○哀○求○叩○頭○出○血○王○色○少○霽○曰○不○摘○亦○須○翦○之○姑  
令○回○陽○以○警○世○人○隨○有○一○人○翦○余○舌○為○二○痛○極○而○醒  
血○肉○淋○漓○病○愈○舌○不○復○合○因○棄○俗○為○僧○常○自○懺○悔○世  
之○工○刀○筆○者○當○以○吾○舌○為○鑒陰隲文新編

蠹吏蕩產滅嗣之報

蘇○州○人○張○某○撫○院○吏○也○有○才○幹○擅○作○威○福○一○夕○有○人  
跪○門○側○持○三○千○金○為○壽○謀○救○一○死○張○呼○入○問○其○故○知  
為○盜○犯○事○張○曰○已○咨○部○無○及○矣○其○人○堅○求○張○索○咨○稿  
詳○閱○為○僱○急○足○追○差○官○於○路○囑○換○咨○文○一○字○既○而○果

奉○部○駁○得○減○死○其○幹○辦○之○能○類○如○此○家○財○累○萬○極○欲  
窮○奢○未○十○餘○年○而○蕩○然○身○死○子○孫○絕○滅同上

附錄

乾○隆○二○十○年○間○浙○江○司○臬○同○公○嘗○為○人○言○辦○秋○審  
時○夜○將○半○令○小○童○提○燈○親○至○各○房○科○察○看○皆○滅○燭  
酣○睡○一○室○火○獨○明○穴○窗○紙○視○之○一○老○吏○方○手○治○文  
書○几○案○前○一○白○髮○翁○一○年○二○十○許○婦○人○左○右○侍○心  
甚○駭○異○俄○見○吏○毀○稿○復○書○訖○婦○人○斂○衽○退○吏○別○檢  
一○卷○坐○良○久○書○發○白○髮○翁○亦○長○揖○不○見○遂○入○署○傳



詰此吏先書者為台州因姦致死之案本犯為縣學生初意憐才欲請緩決後以敗檢釀命改擬情實後書者為寧波索欠連毆致死之案初意欲請情實後念衅由理直情急還毆與逞兇不同故擬緩決然則年二十許者為捐軀之婦白髮翁乃兇手之先人矣吏之擬稿不過請示鬼猶瞰之况秉筆定罪者可勿慎歟汪輝祖續佐治藥言

蔣某陰險害人自咬十指之報

湖州蔣某為人陰險有刀筆才凡非理之事一經其

飾說便足奪人之聽平生所害不一人矣後得一奇疾發時輒自咬其指必鮮血淋漓方得少愈十指俱破患破傷風而死同上

扶溝令筆舌快意業因自受之報

扶溝令田霽歿已三年示夢於妻曰我生前每於人短隨手隨口彈駁評品以自快其筆舌不過一時意興所至那知地府以此業因日令兩蛇二蜈蚣蟲出入我七竅苦不可當滿限發託生為婢女今去矣願效籍



王其口筆業重削祿減算之報

邵武城隍神最靈。縣有王生者。叩終身於神。神許其必貴。年六旬。依然韋布。疑神誑己。復叩問。夢神告曰。汝命本當貴而壽。因汝少時恃才傲物。凌轢同學。每日口業多至三四十條。少亦一二十條。上帝震怒。使爾功名淹蹇。然猶未絕意於汝也。汝自中年入泮。以來出入衙門。專弄刀筆。得枉法財二十七事。上帝益怒。將爾祿籍削盡。汝猶不自悔。怨天尤人。罪業愈重。又減爾壽算一紀。此皆爾自作之孽也。及早痛革前

非。猶可望善終。否則不得其死矣。王驚寤。狂於故習。不能改。未幾臬憲訪拿。褫去衣巾。死獄中。勸誠類鈔。下筆喜作淫詞。艷曲。兼以詩札。訕笑他人者。此字當惜。案二十三則。

謝履忠焚棄淫書名冠多士之報

雲南謝履忠。孝友端方。凡見淫書小說等部。輒搆買。立為燒燬。每語人曰。此等邪說流傳。誤人不淺。吾不獲銷燬其板。但入吾目。必不使之再存。後夢神云。汝焚棄淫書甚多。免使看者起邪念。行好事。功德不小。



今當名冠多士矣。康熙丙子鄉試中元。癸未再捷官翰林。子孫科甲不絕。覺世真經說證。

附錄

四害四勸

白小說作而淫風熾。彈詞興而女德衰。世不乏聰俊子弟。閨閣莊女。而偶觀邪書。不覺送入禽門。真殺人。不見血也。長蛇猛獸。未足比其毒。劍樹刀山。未足比其慘。魑魅魍魎。未足喻其醜。狐精木客。未足喻其妖。人心風俗之害。言之實堪浩歎。亟鈔收。

藏小說四害於左

一曰玷品行。覽此等書。必非正人佳士。南海一縣令。好觀肉蒲團。手鈔小木。日玩之。不意亂入詳冊。上司怒其無行。參革而死。

一曰敗閨門。好藏淫書。好唱彈詞之家。婦女率多醜聲。其秉性幽貞者。或以療疾死。下此不忍言矣。詩云中黃之言。不可詳也。

一曰害子弟。藏此書者。子弟決然偷觀。其佳者。以此早知覺。早破身。或以疾死。即轉而自悔。而元氣一



散斷不能成大器。世間儘有佳子弟。秀出一時。迄無成就。由渾金璞玉。早中玷缺。皆乃父巾箱中密藏物也。若中下者。必好此破家矣。金陵一名家子。過日成誦。年十三。博通經史。一日偷看西廂曲本。忘餐廢寢。七日夜。而元陽一走。醫家云。心腎絕矣。遂卒。

一曰多惡疾。好此種書。必多妖。必多異疾。杭州朱司馬。人極豐偉。年甫五十。即乞歸。謂家人曰。我幼時喜小說。風痰入腎。不久矣。未幾卒。看淫書之害。如

此。嗚呼。真可為痛哭者也。再鈔四勸。以告世人。

一勸醫家。勿傳艷方。方之流行。在醫士。唐人多傳不死方。元以後。多傳官方。世變之升降。可慨也。近見錦囊等醫書。附載春方。最為害事。願醫者。勿傳與人。并削其書中一條可也。

一勸居官。嚴禁導淫惡習。士人。有志救世。第託紙上空言。若幸而居官。則明明身到寶山。實有整頓風化之責。剗鋤邪說之權。而可為地方赤子。造無窮之大福。夫無窮之大害矣。况妖蠱狎邪。國法森



嚴例所必誅。伏願地方官長經過所屬街巷等處。一見市肆淫書小說及春方媚藥牆壁招貼實心認真。迅卽飛飭。妥役根究。着落懲其店寓夥黨。燬其卷帙。方藥責令改業。再行密訪。有私行貸賣者。科以重罪。必一一盡削其書。火其板。而後已。務使天下少賣一人。少賣一日。此真居官第一快心事。亦真居官第一陰德事。更有奸民製造淫具。或角或鉛。醜名不一。較之殺人厥罪惟均。操子民之柄者。而不力禁。是縱白日殺人者。而不誅也。烏乎可。

夫吾民猶吾子也。眼見吾子明入陷阱中。父母忍心而不援手救之。有是理哉。有是情哉。

一勸士人勿鈔媚方。此種流傳半由風流學士。與夫蓮幕高賓。弄墨戲書。墮落孽海。夫鈔良方以救人。此醫國手鈔媚方以毒人。直禽獸心耳。願士人檢點書囊。勿同枕秘也。

一勸畫家勿畫春宮。世間造惡未有過於此者。將使天下識字不識字之人。一概心醉神馳。同驅入禽獸之域。吾見擅此技者。人人斬後。蓋其畫幅艷傳。



不知惑多少子弟壞多少閨門恐絕嗣不足蔽其辜也至其妻其女其媳鮮不淫亂者由其朝夕見聞無非淫狀即有貞烈之性亦化而為邪且其人亦必早歿而不壽蓋其執筆摹擬刻刻淫心搖蕩真精浮散夢遺滑精脫陽等症相繼而作也嗚呼慘矣夫百工技藝何事不可為而乃為此山水花鳥何物不可畫而乃畫此處心積慮將使天下無人不好淫而後快吾恐技愈精而孽愈重孽愈重而報愈酷矣勸誡類鈔

淫詞艷曲妻女償債之報

士人某恃才放誕薄孔孟為迂儒常載酒畫舫攜女樂一部歌呼沉醉於山水間跌宕風流顧影自喜其所著皆淫詞艷曲傾動一時某死後家無積蓄且無子四妾一女流落無依因嫖習歌舞銀箏紅袖遂倚門獻笑矣似續集驗

附錄

袁了凡曰人雖不肖未有敢肆為淫縱者自淫詞艷曲一出將才子佳人四字抹殺世間廉恥而男



女之閑不可問矣。夫大文人富於才華。筆耕謀利。若能纂一部古今忠孝節義事實。慷慨淋漓有聲有色。使見者心生愛慕。亦足價重雞林。未始非利藪也。奈何無中生有。造此綺語艷曲。以成人之惡。不罹人禍。必遭天殃。戒之戒之。

家演戲文。不可垂簾設屏。使婦女窺望。蓋娼優妖冶之容。惟恐不窮盡其態。易興人淫蕩之思。至傷風敗俗之劇。尤不可點。俱黃正元慈海慈航

造淫書三部削籍減算之報

四川錢大經。字秀雅。下筆千言。十七歲遊庠。屢困場屋。庚子大比。禱於文帝。夜夢青衣童子引至帝前。命吏查冊云。錢大經二十歲鄉榜第二。聯捷大魁。天下官二品。壽七十三歲。緣造淫書三部。削籍。壽亦不永矣。帝諭曰。汝存心忠厚。且孝友無虧。奈造淫書。使男女敗名喪節。若非宿植德本。立見殞命。墮地獄矣。錢大驚。遂立重誓。逢人勸戒。遇淫書悉焚毀。後以明經老年六十七而終。勸誠類鈔

袁某淫詞穢語嚼墮其舌之報



吳中袁某雅以音律自負。遨遊公卿間。所著西樓傳。奇優伶盛傳之。然詞品卑下。殊乏雅馴。不及王康諸公遠矣。為人貪污無厭。年踰七旬。強作年少態。喜縱談閨闈事。每對客淫詞穢語。信口而發。令人掩耳。人共嫉之。曰。此君必當受口舌之報。未幾。客會稽。冒暑。干謁。忽覺口中奇癢。因自嚼其舌片片而墮。不食二十餘日。竟不能一語。舌根俱盡而死。陰騭文勸戒編

沈某好閱淫書。子旋天死之報。

桐鄉沈某好閱淫書。搜羅不下數十百種。有子弱冠。

頗聰俊。每伺父出。輒向篋中取出。與表弟某同觀。從此纏綿冥想。琢鑿真元。二人相繼患癆瘵。天死。沈悲慟欲絕。後察知受淫書之害。自悔無及矣。勸誡類鈔

附錄

朱柏廬先生曰。嘗見人家几案間。擺列小說雜劇。此最自悞。并悞子弟。亟宜禁棄。人家有此等書。便為不祥。陳榕門訓俗遺規

艷詞入泥犁之報

宋時某名公好作艷詞。人爭傳之。時法雲長老謂之。



日公文詞之富甘施於此乎某曰予但空言初非實事豈亦欲置馬腹中乎師曰李伯時但以念想在馬故墮落馬腹今公艷語實蕩天下人心使其信以為然蕩而不返天下之罪皆公一人之罪報應何止入馬腹定當入泥犁也覺世真經說證

作還魂記永墮地獄之報

昔有人入冥見一囚身荷重枷肢體零落問何人獄卒曰汝不聞作還魂記者耶此記一出聞者醉心上帝怒其蠱毒人世罰入此獄直待世界中更無一人

唱此曲者彼乃得解脫耳吁可畏也夫慾海慈航

艷曲旖旎莫道冥罰之報

明江右名士某艷曲旖旎膾炙人口有人死而復甦云冥府見某在暗室受諸苦訊諸吏曰彼作艷曲開人慾竇使天下後世多兒女之私故得是報須俟此書滅後方得超脫勸誡類鈔

張某編刻小說折消前程之報

萬歷年間有才子張某自命風流酷好編造小說刊刻發賣自謂借人間泡影作紙上機鋒事屬子虛無



傷陰德耳。一夕夢其父呵之曰：爾所著諸刻，閱者目眩神飛，認假為真，因而敗人行檢者不少。冥司於此降罰最重，爾本前程遠大，壽數綿長，今緣是折消矣。可惜祖先數世培植，一旦喪於爾手，可謂無傷耶。張驚悟大悔，方選福建知縣，將赴任舟，遭風覆，全家溺死。同上。

附錄

天下高明者少，隨俗者多。即明知為子虛之詞，而目奪魂搖，以此書為淫媒，平日天良一縷，或猶畏

鬼畏神至此，則不覺心雄膽浚矣。吾輩既身列士林，不思禁之過之，何忍驅迫人羣，盡入禽獸一路乎。禍天下而害世教，莫甚於此。又歷觀在昔名公詞曲，有錦心繡口，香艷絕倫者，而其後人往往書香不嗣，罔識之無其甚者，一再傳而血脉遽斬，可見才人綺語，詞客戲筆，最犯造物之忌。普願聰明子弟，下筆時慎勿效之也。全人每獲

金聖歎評刻小說修身之報

施耐菴成水滸傳，奸盜之事，描寫如畫。子孫三世俱



啞○金○聖○歎○評○而○刻○之○復○刻○西○廂○記○等○書○卒○陷○大○辟○無○子○  
同上

某孝廉著金瓶梅血污闈卷之報

孝○廉○某○嫉○嚴○世○蕃○之○淫○放○著○金○瓶○梅○一○書○原○一○時○游○  
戲○之○筆○不○意○落○稿○盛○行○流○毒○無○窮○孝○廉○負○盛○名○卒○不○  
第○己○丑○南○宮○已○定○會○元○矣○主○司○携○卷○寢○室○挑○燈○朗○誦○  
自○喜○得○人○至○晨○將○填○榜○則○卷○上○點○點○血○痕○蓋○鼠○交○其○  
上○而○汚○之○也○遂○斥○落○止○一○子○在○江○寧○開○茶○室○後○流○為○  
丐○死○  
同上

姜西溟曰○人謂金瓶梅似史記○何○不○竟○讀○史○記○吾○  
輩○宜○力○闢○此○等○書○盡○投○水○火○而○後○已○不○得○隨○眾○稱○  
揚○其○文○筆○之○美○也○  
同上

李卓吾極讚西廂水滸金瓶梅為天下奇書○不知○  
鑿○淫○寶○開○殺○機○如○釀○鳩○酒○然○酒○味○愈○甘○毒○人○愈○深○  
矣○有○聚○此○等○書○看○此○等○書○說○此○等○書○借○賞○此○等○書○  
者○罪○與○造○者○買○者○同○科○  
最樂編

某生刻如意君傳絕嗣之報

石門某生家甚富○子弟多聰俊○戲刻如意君傳○媒○



百端躍躍紙上不數年死家亦零替諸子繼歿後遂絕同上

王生艷詩傳世斬後之報

江南王生某幼擅奇才年十六食餼庠序風流自喜工艷體詩閨閣情態曲為形容有疑雨疑雲二集行世香奩體中推為絕唱人爭誦之後貢入成均官廣文厠上吟詩誤墮糞窖中七竅糞漬而死無後嗣同上

編西廂嚼舌之報

西廂一書當時作者編至碧雲天黃花地西風緊北雁南飛之句忽然仆地嚼舌而死務本立命錄

荆某彘引佛經子孫為丐之報

江南荆某博古嗜奇才思英敏自謂世無出其右者多著淫書以快其議論所評西廂等書極褻穢處往往摭引佛經順治辛丑以邪說繫獄受刑極慘子孫為丐祥雲集

書賈刻小說淫書火焚身死之報

江南書賈嵇留積本三千金每刻小說及春宮圖像



人勸不聽。以為賣古書。不如賣時文。印時文。不如印小說。春官以售多而利速也。初家積多金。不數年。目雙瞽。其妻多外交女。三改適。所刻諸板。一火而燼。及死。棺殮無措。妻子有不忍言者。勸誠類鈔

附錄

函人矢人一藝之微。仁不仁分焉。故術不可不慎也。工於梨棗者。無非欲食其力。然刊聖賢經傳。即為功。刊淫詞艷曲。即為過。奉勸梓友。凡係綺麗書。傳誓不受鐫。則淫書不絕。而自絕技也。進乎道矣。

子孫必能讀書識字。昌大門閭也。

開設書林。以取利耳。試思何書不可獲利。而必藉此壞人心。敗風俗之書。以覓蠅頭計。亦左矣。果能毅然將此等書。概不發刻。并不收兌。則積功德於冥冥。獲福利於昭昭。決不爽也。

五車汗牛。聖賢典冊居多。若雜貯淫書。穢褻經籍。天譴決然立至。盍思關河險阻。千里覓利。不祈神佑。反干天怒。竊為書賈危之。勸誠類鈔

李某口業筆業。遭非橫斃之報



溫陵李某見地超越。律身清慎。惟好評西廂。水滸等書。晚年竟遭非橫。斃於獄中。跡其生平。不過口業筆業而已。務本立命錄。

姚公子戲題詩小姑廟江風覆舟之報

湖州姚陟山。任湖廣學道。其公子反浙。過小姑廟。揮筆題詩。有綺麗戲狎語。同舟友四人。三人屬和。一人不能詩。至明日。放舟中流。江風驟發。舟覆。公子與四人俱溺焉。其不能詩者。遇救免。此康熙年間事。覺世

負維說證

藍生賦長相思詞闡中神抉雙目之報

藍生潤玉。弱冠擅才華。風姿韶秀。同學皆以金馬玉堂期之。所居隣尚書某公宅。尚書有女公子。已字侯門。尚未嫁。而才色傾一時。玉偶見之。於升車時。歸而渴想。一日間步後園。聞隔牆女子聲。梯而窺之。則尚書宅內之涵軒也。識為車中人。乃暗於牆下。鑿去半軌。終日覘之。積半年。女已出閣。玉無因再窺。甚悵。悵乃賦長相思詞。為一友所見。舉而投諸火。正色責之。並誡其勿復告人於德行。大有累玉笑其迂。後入闈。



夜夢神抉其目。寤而目痛甚。兩瞳如針刺。不能啟睫。因繳白卷出。歸家痛不止。遂雙瞽。及揭曉。燬詞友已魁列矣。異談可信錄。

寄妓詩稿冥官錄籍之報

臥虎山人降乩於田白巖家。眾焚香拜禱。一狂生獨倚几斜坐。曰：江湖游士練熟手法為戲耳。豈有真仙。日日聽人呼喚。乩即書下壇詩曰：軀駛驚秋不住啼。章臺回首柳萋萋。花開有約腸空斷。雲散無蹤夢亦迷。小立偷敲金屈戌。半酣笑勸玉東西。琵琶還似當

年否為問滄陽估客妻。狂生大駭不覺屈膝。蓋其數日前密寄舊妓之作。未經存稿者也。仙又判曰：此牋尚未達達。則又作步非烟矣。此婦既已從良。即是窺人閨閣。香山居士偶作寓言。君乃見諸實事耶。大凡風流佳話。即是地獄根苗。昨見冥官錄籍。故吾得記之。業海洪波。回頭是岸。山人饒舌。實出苦心。勿訝多言也。狂生鵠立案旁。殆無人色。後歲餘。即下世。紀文遂灤陽銷夏錄。

秦生謹語誦世柴斧自斫之報



吳下秦生力學多才。尤工詩歌樂府。為人坦率。惟好作謔語。諛世見人形貌不堪。識面而一詩立就。聞人作事可笑。入耳而一歌已成。窗友黃綠入泮。作遊庠詩百韻。賀之。隣人帷簿不修。作黃鶯兒十首贈之。繪影寫風。窮工極巧。流播人口。達于遠近。晚年忽病瘧。發狂。自啖其糞。取刀自劊其舌。家人奪刀鎖空室中。覓刀不得。乃嚼舌如糜。而細吐之。臭聞戶外。後於窗隙窺庭中有劈柴斧。遂突窗而出。取斧自斫而死。覺

世格言

聶從儀作詩嘲人竄死之報

聶從儀好作詩嘲笑人。後坐謗政竄死登州。感應篇

註證新編

章齊一詩刺人醜嚼舌之報

章齊一每戲成一詩。人醜畢露。晚得惡疾嚼舌而死。

同上

附錄

格言曰。造歌謠稱綽號。不但作者自壞心術。即聽者亦長浮風。有意聽之。則清淨心田中亦下一不



淨種子矣。拒絕之法。與其囑人之不傳。不如自我之先默。陰隲文註證二刻。

下筆刺人忌諱。令終身飲恨者。此字當惜。

案四則

韓魏公手封攻人短文字名。炳清史之報。

宋韓魏公琦為相。見文字有攻人短者。必手自封記。不令人見。聞人有一小善。必歛手歎服。曰琦所不及。相業冠古今。覺世真經說證。

王華不揚人過後享大名之報。

明王狀元華居官時。以他人事誣之。或勸之辨。曰此吾同年友事。若辨之。是我誣友也。竟不辨。後其子陽明官京師。猶聞浮論紛紛。欲具疏奏辨。公亟馳書止之。曰汝以此事為父耻。倘攻發吾友反為吾一大耻。遂止。後享盛名。感應篇註證新編。

肆誚成美。愧死無地之報。

宜興吳頤山門前有坊。額題四省文宗。族有與構隙者。夜將紙改作一代人物四字。蓋笑其五十無子也。公怒甚。會郡守係同年。往訴其事。守曰此事無証據。



且即使實其罪○吾兄無子○彼笑自若○須急為種子計○  
則今日之肆誚者○愧死無地○且免無後之悲○公曰○弟  
留心房術○不惜重貲○二十年來○並無效守○曰○誤矣○房  
術不如心術○若欲種子○除非樹德○方今歲稔○正天假  
之緣也○有十二善兄可為之一查○貧民錢糧一兩以  
下代納○二小罪追贓三兩以下代完○三各城門設粥  
廠○四族屬姻黨朋友貧者量親疎厚薄餽之粟○五給  
佃戶工本米每畝二斗六廣收掩道路遺骸七迎名  
醫施藥八造門外各處板橋九置義莊十助學田十

一刊布善書良方十二助流落者還鄉○公欣然拜謝○  
隨時隨事實力行之○不求人知○後連得二子○皆高第○  
鄉試中式○公猶及見○似續集驗

侮謔切齒之報

曾記一人生子○眾友舉賀○一名士作文○臨期展觀○大  
肆侮謔○眾快然不樂○而散其家切齒○才人臨筆○不可  
不自加珍惜○致貽悔無窮也○警心錄



桂杏聯芳譜第四卷終

不日... 山... 桂杏聯芳... 譜... 卷... 終

*(Faint bleed-through text from the reverse side of the page is visible, including characters like '山', '桂', '杏', '聯', '芳', '譜', '卷', '終')*



